

Nanzdanh: Mbanjcuengh Guh Aen Yizsi Hainduj Guh Hongreih Hongnaz

Ndwen 5 ngoenz 10, Nanzdanh Yen Luzcai Cin Bahding Segih Mbanjdaulij banh aen yizsi guh hongreih hongnaz bi 2019, vunzguhnaz Bouxcuengh dangdieg, mizmbangj cae naz cae reih, mizmbangj rap bwnh vanq bwnh, mizmbangj loek gyaj ndaem gyaj, daj gyae yawj bae, gyangdoengh nyaengqnyatnyat, lumj fuk veh gij gingj doenghnaz nei.

Ciuq cam rox, Mbanjdaulij neix miz 190 ranz vunz, gyaeujvunz 1000 lai vunz, reihnaz 1222 moux, bi ndaem ok haeuxgwn 140 fanh gaen, aen mbanj neix dieg youq baihnaz Yinzgvei Gauhyenz, haijbaz 800 lai

mij, bi bingzyaenz raeuj 16.5°C baedauq. Aenvih diegndei swyenz neix, haeuxgok aen mbanj neix ndaem okdaeuj haenx, naed raez naed fag, saekhau caemhcai q lwenq. Cawj baenz le haeux hom、haeux unq mbouj niu、ndei gwn、gyoet le mbouj ndongj, hawj vunz gyaez cawx.

(Fuz Lungzgyangz Bwz Cicwz/符龙强 柏治泽)

► Gyoengq vunz rap bwnh bae naz vanq.



▲ Hagseng youq dangciengz caeuqfaenh aen yizsi soucomz cheifeiz.

Siuj Hagseng Vanzgyangh Caeuqfaenh Aen Yizsi Soucomz Cehfeiz Gaiq Daihcib'it Daengx Guek Saujsu Minzcuz Conzdungj Dijyuz Yindungvei

Ndwen 5 ngoenz 8, aen yizsi soucomz cehfeiz Gaiq Daihcib'it Daengx Guek Saujsu Minzcuz Conzdungj Dijyuz Yindungvei youz Guekgya Minzveij、Guekgya Dijyuz Cunggiz cawjbanh, Hoznanz Swngj Yinzminz Cwngfuj ciepbanh haenx youq Aen Daiz Yawj Ndaundeiq Hoznanz Swngj Dwnghfungh Si banh. Loz Sezyenh hagseng Mauznanzcuz caeuq Cau Ginhgaj hagseng Yauzcuz aen duenz habciengq lwnyez “Bonghhamj Saidoengz” Daihngeih Siujyoz Vanzgyangh Mauznanzcuz Swciyen caeuqfaenh dangciengz yienj habciengq.

Ciuq cam rox, daengx guek saujsu minzcuz conzdungj diyyuz yindungvei moix sei q bi banh gaiq ndeu, daengz seizneix gaenq banh cib gaiq gvaq, dwg gij saeh doxdax minzcuz conzdungj diyyuz guek raeuz mbaek cei q sang、rengzyingyangj cei q hung, gaenq baenz aen hoihhoengh minzcuz vunzlai saujsu minzcuz guek raeuz langhbaij diyyuz vwnzva, gyalai cingzngieih doxgi et.

(Veiz Yui Danz Siujminj/韦睿 谭小敏)

Sanhgyangh: Vwnzva Minzcuz Haeuj Hagdangz Vwnzva Feihyiz Daihdaih Cienz

Ndwen 5 ngoenz 10, gyoengq lauxsae hagseng Sanhgyangh Duncuz Swciyen Fuluz Myauzcuz Yangh Fuluz Cungsim Hagdangz cingq lienh boq venz. Geij bi neix daeuj, Sanhgyangh haenqrengz guh aen hozdung vwnzva feihyiz haeuj hagdangz, doenggvaq hailaeb “dangzgoq feihyiz”、hwnjguh saunenzgungh hagdangz lajmbanj、cingj roxnaeuz gungganq lauxsae ciennieb daengj banh fap, ca lauxsae、ca lwnyez、ca dangzgoq、ca hozdung, dawz go Duncuz、dajsiuq minzcuz、veh Duncuz、gyong laz gimz yienz minzcuz daengj vwnzva feihyiz yinx haeuj dangzgoq bae, hawj lwghag gij ndwenngoenz vwnzva hagdangz ndaej bienq lai doengzseiz, hawj vwnzva feihyiz daihdaih doxcienz.

(Gunj Yicungh/滚亿忠)



▲ Hagseng cingq lienh boq venz.

Vujmingz Gih Swhfazgiz Guhsat Aen Hozdung Yienj-heiq Senhconz Fapceih “Dwkcawz Bangvunz Simnduk”

Mboengqneix, Namzningz Si Vujmingz Gih Swhfazgiz bae daengz 13 aen yanghcin Vujmingz Gih haiguh 14 ciengz aen hozdung cunzyienj yienjheiq senhconz fapceih “dwkcawz bangvunz simnduk”, hozdung cawjdaez dwg “miz nduk dwk nduk、miz yak cawz yak、miz luenh cei h luenh”.

Cunzyienj hozdung yungh Fwen-cuengh、vaiqbaj、siujbinj daengj hingzsik senhconz gij cihsiz “dwkcawz bangvunz simnduk”、fapguk、fapdiegdeih daengj neiyungz, ndaej daengz gyoengq vunzmbanj haenggyaez. Lingh-vaih youq mwh yienjok lij gyahaeuj hothoh camdap mizciengj gij cihsiz “dwkcawz bangvunz simnduk”、fapguk、fapdiegdeih daengj dem, hawj vunzlai lai caeuqfaenh caeuq lai gaenx hag fap.

(Lij Cinhenz/李俊嫻)



▲ Gyoengq bouxyienj yienj (Lwg Mbanicuengh Hae Fanguek).